

華府詩友社 嘗試集

第九十四期


April
2011

華府詩友社

送白虎迎玉兔賦感

陳新雄

今夕驅除白虎星。欣迎玉兔草青青。
鴻圖應展雲程腳，一願常思陋室銘。
談笑時時臨碩學，往來漸漸少盲丁。
若能假我多時日，廿史研完德更馨。



病中賀內子詠琍生日

陳新雄

一場瑞雪搖虛幌，喚醒明當獻壽觥。
助我窮經傳絕學，勞君撫幼始增榮。
已無半點纏綿意，卻有千般患難情。
且管陶陶樂今日，莫為修短不平鳴。





西湖龍井茶 張暢繁

西湖龍井眾人誇。飲嚼留香似異葩。
級級梯田迎曉霧，層層嫩葉破新芽。
輕舟品茗吟佳句，柳館清談醉晚霞。
人道防癌兼解毒。我求淡雅一杯茶。



香江重聚 張暢繁

跨洋萬里又重來。既覺歡欣也覺哀。
上次笑談兒趣事，今朝默視小妝臺。
親朋子女難相認，記憶思維不復回。
道別茫然余去向，皆因君已變痴獃。



伊斯坦堡遊

夏曙芳

伊斯坦堡跨歐亞，世界文明此匯流。
保守時髦同一聚，面巾短褲並齊留。
蘇堂偉偉圓形頂，藍寺高高柱狀樓。
羅馬輝煌何處覓，金灣艇上盡情遊。

注：蘇堂指Sophia Cathedral；藍寺指The Blue Mosque；金灣指Golden Horn



洪府賞梅

季肇瑾

遠道驅車訪布村。梅妻松友兩迎門。
繁花盈樹揚春意，老幹疏枝顯韻魂。
來客賞花觀景緻，主人摘蕊送新盆。
寒窗半百研生物，遠溯詩經說眾昆。

注：辛卯三月應洪章夫先生邀請，與朋友驅車去布衣市惜福客棧賞梅，為洪府的梅韻詩情陶醉，為洪翁喜愛研究的昆蟲話語感動，故記之。



敬和張暢繁先生「長生」七律一首

姚立民

富貴窮通未可知。不須羨妬不猜疑。
養生應練呵呵笑。求學須知苦苦思。
寡慾清心時在念。惜名保節永堅持。
眾生碌碌人為貴。莫負春光惜此時。

注：原玉參看本社嘗試集第93期。



黃河沙坡頭即景

劉秀群

祈連山水悠悠。筏子羊皮順勢流。
沙固草生騰葛里，日圓依舊照坡頭。

註：此處即王維「使至塞上」詩中「大漠孤煙直，長河落日圓」所在。





秋夜出河西走廊

許翼雲

銀屏千里耀清秋。大漠星垂映列丘。
自古征人多少淚，一鉤塞月掛鄉愁。



續舊作「秋夜出河西走廊」二首

許翼雲

銀屏千里耀清秋。虎帳連營傍列丘。
壯士向天虔敬問，刀兵紛亂幾時休。


銀屏千里耀清秋。電掣火龍渡列州。
西域雖通憂患在，盤鷗鷺候未甘休。



元宵月夜

許翼雲

月華如水透西窗。輕灑床前地上霜。
遊子舉頭虔問月，飄零何處是兒鄉。



春訊

夏曙芳



殘冬將盡春知曉，忽見新芽冒樹梢。
大地回蘇年復始，紅冠藍羽鳥喧巢。



聞格達費（卡扎菲）及其家族財產被凍結有感

王顏鑄

聞聯合國安理會一致通過因射殺示威者而凍結利比亞領導人—格達費及其家族與圈內人員的財產並禁止出國有感

路盡天邊起戰塵。生民敢怒四旬春。
堪憐茉莉風吹雨，悵望街頭散步人。



詠梅 季肇瑾

庭前一剪梅。傲雪頂霜摧。
臘月猶紅艷，寒枝映蕊瑰。

注：觀賞洪章夫詩友贈紅梅映雪照有感。詩曰“布衣無所有，聊贈一枝春”。春回大地時，尚憶紅梅魂。



詠睡蓮 季肇瑾

亭亭美睡蓮。皎皎影漪漣。
玉露凝荷葉，清香溢水田。



詠青梅 季肇瑾

累累青青果，實實壯壯枝。
樸質無絢麗，美味有人知。



品令·全家相聚為詠珮祝壽用山谷鳳舞團團餅韻 陳新雄

祝壽分湯餅。寒冬日，行時令。家庭歡樂，雙輪慢碾，駐顏光瑩。
喜氣盈庭，可減卻，相如久病。點心茶永。團園意，真佳境。
兒孫依膝，遠來萬里，欣看形影。口不須言，眼裏快活自省。



臨江仙·不怕晚風狂

張暢繁



蜂蝶早隨鶯燕去，
滿園落葉凝霜。
疏林色變菊殘黃。
朝陽遲不出，
落日太匆忙。



花落花開無奈事，
人生難免滄桑。
老來仍可散光芒。
身心能保住，
不怕晚風狂。



風光子兩首 周涓

雲萬頃。疊疊重重濛水影。淡濃靜動生奇景。無端變化多妙境。
西風勁。煙消雲散懸明鏡。

椰葉美。團扇迎風舒菲菲。尖尖所向藍天碎。柔和時刻搖鳳尾。
青蔥翠。樹下遊客陶然醉。



望海潮·步柳永原韵

周涓

今冬奇冷，風寒雪厚，逃離北國冰華。
飛抵佛州，泉湖海暖，恰恰候鳥安家。
潮汐涮灘沙。海鷗眼前舞，尋食生涯。
搏啄低翔，掃空塵俗絕嬌奢。
鄉村野景尤嘉。倩排排橘樹，潔白香花。
徐步淺灘，迎風拾貝，欣欣巧遇雙娃。
鳧水語牙牙。轉眼沈落日，千縷紅霞。
望海潮推滂浪，爭把自然誇。



八聲甘州·礦工血淚

李青瑾

漆黑霜面忍冒災殃，奈逆境憂煎。
鐵肩生涯苦，深深隧道，汗跡斑斑。
地下英雄叱吒，穿石且心堅。
經濟憑推手，貢獻連綿。

公地何時放領，荏苒韶華逝，家夢難圓。
落曠沉江岸，啼雁徹山巔。
悵蕭風、伶仃多蹇，迫桑榆、幾度問皇天？
君知否、礦工酸楚，血淚誰憐。



聲聲慢·二泉映月 李青瑾

爬爬跌跌。瀝瀝淅淅，悽悽寂寂切切。
席惠山清泉畔，澹星寒月。
孤光默訴苦遇，荻影搖、淚流難歇。
逆旅悟，古今同、藝史絢絃彈撥。

飽歷滄桑華髮。英彥炳、鈞天樂何淒絕。
激瀑珠連，直嘯傲雲漢徹。
無憂疾颯暴雨，且休提、凜凜冽冽。
濁世滌，眾撫盡沉醉此闕。



天仙子·平沙落雁

李青瑾

王妾恨丹青暗換。昭澤布寧胡漠亂。
君徘徊顧影誰俛，平野漫。沙風捲。
落寞望鄉凝淚眼。

雁咽草摧東闕斷。英息雨迷西域嘆。
名琵琶朔漠潺潺，揚玉殿。千山遠。
秋暮獨憐青塚怨。





Acknowledgment:

Pictures and images come from the internet
and personal collections.

(If you think we have included pictures and images not in the public domain, please let us know and we will remove them upon notice.

Send e-mail to: contact@poetry-chinese.com.



華府詩友社

www.classicalchinese poetry.com